



## Publicaziuns officialas dils 21-01-2022

---

### Damondas da baghegiar

Nr. 02/2022

Datum da publicaziun: 21-01-2022  
Patrun: Stadler-Meyer Erika Gertrud, 8200 Schaffusa  
Representant: Gion Michel Flepp, 7176 Cumpadials  
Liug e parcella: Sumvitg-Murtès; 4211  
Object: sanaziun tegia da mises, adattaziun da terren e niev mir da schurmetg

Nr. 03/2022

Datum da publicaziun: 21-01-2022  
Patrun: Tomaschett Renata e Hubert, 7172 Rabiis  
Liug e parcella: Rabiis-Via Fravia; 4773  
Object: remplazzament porta dalla garascha

Nr. 04/2022

Datum da publicaziun: 21-01-2022  
Patrun: Degonda Placi, 7176 Cumpadials  
Representant: Rafael Guldemann GmbH, 7166 Trun  
Liug e parcella: Cumpadials-Via Vitg; 4729  
Object: nova pumpa da calira

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 21-01-2022

*Cumissiun da baghegiar*

## ELECZIUNS COMMUNALAS 2022

### Uffecis politics che crodan en elecziun

Tenor art. 11 dalla constituziun communal han las elecziuns communalas liug 2022. En elecziun crodan ils suandonts posts e mandats politics:

- a) president communal,
- b) geraus,
- c) commembers dalla cumissiun da quen e gestiun,
- d) commembers dalla cumissiun da baghegiar.

Tenor art. 20 dalla lescha da votaziuns ed elecziuns succedan las elecziuns per regla denter igl 1. d'avrel ed ils 15 da zecladur.

### Demissiuns

Persunas che seretilan d'in uffeci communal, ston comunicar quei a scret alla suprastanza communal **entochen ils 31 da schaner** (bul postal) digl onn d'elecziuns. Tgi ch'intenziunescha da demissiunar ei supplicaus da risguardar il termin sura indicau.

## **PREAVIS ED INFORMAZIUN**

### **Abdicaziuns**

La gliesta cullas personas che han demissiunau vegn publicada a dretg temps el FUS.

### **Nominaziuns novas**

Officials che seretilan buca, valan sco proponi. Ils vischinadis e gruppaziuns da silmeins 15 votant(a)s san far nominaziuns da candidat(a)s per scadin post che stat en elecziun. Tuttas propostas per la gliesta ufficiala ein d'inoltrar en scret all'administraziun communal entochen ils **15 da mars**. Ils corrispundents formulars san vegnir retratgs dalla canzlia. Las candidaturas ston mintgamai cuntener num, prenum, onn da naschientscha, liug e professiun dil nominau.

Sumvitg, 21-01-2022

*Suprastonza communal*

### **Alarm d'emprova dallas sirenas**

Mesjamna, **ils 2 da fevrer 2022** han ils alarms d'emprova liug. Igl alarm general vegn fatgs allas 13.30 ed allas 13.45 uras ed igl alarm d'aua allas 14.15 ed allas 15.00 uras. Nus supplichein Vus da prender enconuschientscha da quella informaziun.

Sumvitg, 21-01-2022

*Suprastonza communal*

### **Uffeci civil Surselva**

#### **Mortori**

**Candinas Georg**, naschius ils 16-03-1935, morts ils 16-01-2022, staus sesents a Surrein.

Sumvitg, 21-01-2022

*Controlla da habitonts*

### **Serrada via Val Sumvitg**

Ord motivs da segirtad resta la via Val Sumvitg **serrada** naven d'immediat sil tschancun da Val anen per tut traffic.

Sumvitg, 21-01-2022

*Departament traffic*

### **Procedura d'approbaziun dils plans per installaziuns a current ferm**

#### **Exposiziun publica dils plans**

**Project nr. S-176914.1 Staziun da transformaziun TS 742 Sumvitg Plaun Petschen - Edifici niev sin la parcella 3985 dalla vischnaunca da Sumvitg coordinatas: 2712722/1175556**

Agl inspecturat federal d'installaziuns a current ferm eis ei vegniu inoltrau la damonda d'approbaziun dils plans ch'ei menziunai sura.

#### **Damonda da:**

Repower AG Surselva, Via Santeri 74, 7130 Glion

#### **Exposiziun publica:**

Ils documents dalla damonda vegnan exponi publicamein dils 20 da schaner 2022 entochen ils 21 da fevrer 2022 tier l'administraziun communal Sumvitg, Via Quadras Su 10, 7175 Sumvitg. Prender investa san ins mintgamai durent las uras d'avertura ordinarias. L'exposiziun

publica caschuna in scamond d'expropriaziun tenor ils artechels 42 - 44 dalla lescha federala d'expropriaziun (LExpr; CS 711).

### **Protestas:**

Tgi ch'ei partida tenor las prescripziuns dalla LExpr, sa far valer duront il termin d'exposiziun tut las damondas tenor igl artechel 33 LExpr. Quellas ein principalmein:

- a. protestas encunter l'expropriaziun;
- b. damondas tenor ils artechels 7–10 LExpr;
- c. damonda d'ina prestaziun en naturalias (art. 18 LExpr);
- d. damonda d'ina extensiuin dall'expropriaziun (art. 12 LExpr);
- e. l'indemnisaziun d'expropriaziun dumandada.

Obligai d'annunziar pretensiuns enteifer il termin da protesta ein era ils locataris ed ils affittaders sco era ils possessurs dil dretg da servitut ed ils crediturs cun dretgs persunals prenotai. Ils dretgs da pegn ed ils servituds che garanteschon per in bein immobiliar che fa diever dalla servitut funsila, ston buca vegnir annunziat, ils dretgs da gudida mo, sch'ei vegn pretendiu ch'ei resulta in donn pervia dalla retratga digl object da gudida.

Inspecturat federal d'installaziuns a current ferm  
Projects, Luppenstrasse 1  
8320 Fehraltorf

Cuera, ils 20 da schaner 2022

**Uffeci d'energia e da traffic dil Grischun**  
*Partiziun per la producziun ed il provediment d'energia*

## **Scola da musica Surselva / Musikschule Surselva**

La Scola da musica Surselva porscha il suandont cuors:  
*Die Musikschule Surselva bietet folgenden Kurs:*

Liug/Ort: Trun

### **Geniturs ed affons fan musica (annada 2018/2019)** ***Eltern-Kind-Musizieren (Jahrgang 2018/2019)***

Nus cantein e sunein ella gruppa ensemen cun la mumma ni cun il bab.  
*Wir singen und musizieren in der Gruppe zusammen mit der Mutter oder dem Vater.*

adina gliendisdis / immer am Montag von 10:00 – 10:50 Uhr  
(8 lecziuns/*Lektionen*)  
14.02. / 21.02. / vacanzas / 07.03. / 14.03. / 21.03. / 28.03. / 04.04. / 11.04.2022

Bugen spitgein l'annunzia tochen ils 3 da fevrer 2022.  
*Gerne erwarten wir die Anmeldung bis:3. Februar 2022.*

Formulars ed ulteriuras informaziuns  
*Formulare und weitere Informationen*  
[www.bzs-surselva.ch](http://www.bzs-surselva.ch)  
081 926 25 10 | [admin@bzs-surselva.ch](mailto:admin@bzs-surselva.ch)

*Scola da musica Surselva*